



Broj: 09/2-16-8-3938-8/25
Sarajevo, 10. 3. 2025. godine

Na osnovu člana 64. stav (1) tačka b) i 70. stav (1), (3) i (6) Zakona o javnim nabavkama ("Službeni glasnik BiH", br. 39/14, 59/22 i 50/24), te prijedloga Komisije za javne nabavke utvrđenog u Zapisniku broj: JN1-16-8-3938-7/25 od 5. 3. 2025. godine, u postupku nabavke usluga osiguranja službenih vozila Ministarstva inostranih poslova BiH od automobilske odgovornosti i autonezgođe, kao i potpunog kasko osiguranja vozila bez franšize sa uključenim rizikom od krađe, **d o n o s i m:**

O D L U K U **o izboru najpovoljnijeg ponuđača**

Ponuđač „**Croatia osiguranje**“ a.d. Mostar sa ponudom zaprimljenom kod ugovornog organa dana, 4. 3. 2025. godine pod brojem: 09/2-16-8-3938-4/25, proglašava se najpovoljnijim, te se imenovanom ponuđaču dodijeljuje ugovor za pružanje usluga osiguranja službenih vozila Ministarstva inostranih poslova BiH od automobilske odgovornosti i autonezgođe, kao i potpunog kasko osiguranja vozila bez franšize sa uključenim rizikom od krađe.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14, 59/22 i 50/24).

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka, broj: 09/2-16-8-3938-1/25 od 7. 2. 2025. godine, u kojoj je predviđeno da procijenjena vrijednost javne nabavke iznosi 25.000,00 bez PDV-a.

Javna nabavka je provedena putem konkurentskog zahtjeva za dostavljanje ponuda a shodno tenderskoj dokumentaciji, broj: 09/2-2-16-8-3938-2/25 iz februara 2025. godine, koja je objavljena na Portalu javnih nabavki dana, 21. 2. 2025. godine, zajedno sa Obavještenje o nabavci, broj: 253-7-2-2-3-69/25. Objava obavještenja je izvršena i u „Službenom glasniku BiH“, broj: 12/25 od 28. 2. 2024. godine.

Komisija je Zapisnikom o pregledu i ocijeni ponuda u postupku nabavke usluga osiguranja službenih vozila Ministarstva inostranih poslova BiH, broj: JN1-16-8-3938-7/25 od 5. 3. 2025. godine, konstatovala da su do roka za prijema ponuda, 4. 3. 2025. godine, pristigle ponude sljedećih ponuđača:

1. „ASA Central osiguranje“ a.d. Sarajevo, dana, 4. 3. 2025. godine u 9:20 časova, sa ukupnom cijenom ponude u iznosu od 19.716,36 KM bez PDV-a,

2. „Croatia osiguranje“ a.d. Mostar, dana, 4. 3. 2025. godine u 9:25 časova, sa ukupnom cijenom ponude u iznosu od 18.604,32 KM bez PDV-a i
3. „Sarajevo osiguranje“ a.d. Sarajevo, dana, 4. 3. 2025. godine u 9:34 časova, sa ukupnom cijenom ponude u iznosu od 23.853,21 KM bez PDV-a.

Nije bilo neblagovremeno pristiglih ponuda.

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da navedene ponude ispunjavaju formalno-pravne, ekonomske i tehničke uslove tenderske dokumentacije, te su iste prihvatljive i mogu biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Komisija je u skladu sa članom 5.4 tenderske dokumentacije, izvršila provjeru računске ispravnosti pristiglih ponuda i utvrdila da iste nemaju računskih grešaka.

Na osnovu prethodno navedenog, a u skladu sa tačkom 2.6.1. tenderske dokumentacije, kojom je utvrđen kriterij za dodijelu ugovora „najniža cijena“, Komisija je konstatovala da je konačna rang lista ponuđača sljedeća:

1. „Croatia osiguranje“ a.d. Mostar, sa ukupnom cijenom ponude u iznosu od 18.604,32 KM bez PDV-a,
2. „ASA Central osiguranje“ a.d. Sarajevo, sa ukupnom cijenom ponude u iznosu od 19.716,36 KM bez PDV-a i
3. „Sarajevo osiguranje“ a.d. Sarajevo, sa ukupnom cijenom ponude u iznosu od 23.853,21 KM bez PDV-a

Na osnovu prethodnih konstatacija, a u skladu sa članom 64. stav (1) tačka b) i članom 65. Zakona o javnim nabavkama, Komisija je jednoglasno dala preporuku da se Odluka o izboru najpovoljnijeg ponuđača za nabavku usluga osiguranja službenih vozila Ministarstva inostranih poslova BiH od automobilske odgovornosti i autonezgode, kao i potpunog kasko osiguranja vozila bez franšize sa uključenim rizikom od krađe, dodijeli ponuđaču **„Croatia osiguranje“ a.d. Mostar sa ukupnom cijenom ponude u iznosu od 18.604,32 KM bez PDV-a.**

Cijeneći navedeno donesena je odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Kancelariji za razmatranje žalbi, najkasnije u roku od 5 (pet) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

DOSTAVITI:

1. Ponuđačima,
2. Odsjeku za opšte poslove, arhiv i dokumentaciju i
3. Evidenciji a/a.

